



FKEE

FONDI I KOSOVËS PËR EFIÇIENCË TË ENERGISË
KOSOVSKI FOND ZA ENERGETSKU EFIKASNOST
KOSOVO ENERGY EFFICIENCY FUND

Thirrje publike

Fondi i Kosovës për Eficiencë të Energjisë (KEEF) fton të gjitha komunat e interesuara për përmirësimin e eficiencës së energjisë në ndërtesat e tyre publike dhe në sistemet e ndriçimit të rrugëve që të aplikojnë për të marrë pjesë në Projektin Komunal për Eficiencë të Energjisë (PKEE) të mbështetur nga Banka Botërore, Bashkimi Evropian dhe Qeveria e Kosovës.

KEEF është një institucion i ri për financimin e eficiencës së energjisë në vend dhe partner kryesor zbatues për PKEE, qëllimi i të cilit është të zbatojë nënprojektet e kursimit të energjisë në objektet komunale. Objektet e zgjedhura në kuadër të kësaj thirrjeje do të marrin shërbimet e plota të KEEF për të zvogëluar konsumin e tyre të energjisë - nga auditimi i energjisë përmes fazave të komisionimit - të masave të eficiencës së energjisë, d.m.th. izolimi i mureve dhe i nënkulmeve, zëvendësimi i dritareve/dyerve, përmirësimi i sistemeve të ngrohjes dhe ventilimit, ndriçimi, ndriçimi komunal i rrugëve etj., siç pajtohen në mënyrë reciproke aplikuesi dhe KEEF.

Kush mund të aplikoj?

Komunat për masat eficiente të energjisë në ndërtesave e tyre publike (jo-banesore), instalimin e PV paneleve solare mbi çatitë e ndërtesave të tyre publike dhe përmirësimin e sistemeve të ndriçimit të rrugëve.

Të gjitha projektet e propozuara nga komunat do të aprovohen dhe financohen nga KEEF pas përmbushjes së kriterëve të kualifikimit (pranueshmërisë) më poshtë:

- Ndërtesat duhet të jenë në pronësi të komunës (duke përjashtuar ndërmarrjet publike ose komunale, ndërtesat private të marra me qira nga agjencitë publike);
- Ndërtesat duhet të jenë me strukturë të qëndrueshme;
- Për masat eficiente të energjisë të ndërtesa duhet të mos kenë pasur renovim të plotë për eficiencë të energjisë në 10 vitet e fundit, dhe të jenë të paktën 5 vjet të vjetra;
- Ndërtesat nuk duhet të kenë ndonjë plan për lëvizje të zyrave, mbyllje ose privatizim;
- Përfituesit duhet të jenë në gjendje të mirë financiare dhe të demonstrojnë disiplinë pagese;
- Ndriçimi i rrugëve duhet të jetë sistem ekzistues që është në pronësi, operohet dhe mirëmbahet nga qeveria komunale, dhe faturat e energjisë paguhen nga komuna;

Pasi të jetë shqyrtuar aplikacioni dhe të jetë konfirmuar se i përmbush kriteret e pranueshmërisë, komuna do të ftohet të nënshkruajë Marrëveshjen për Fillimin e Projektit me KEEF, pas të cilës KEEF do të aranzhojë një auditim energjetik dhe hartimin e planeve të detajuara. Masa e pranueshmërisë duhet të përfshijë:

- Përmbushjen e kërkesave teknike minimale të performancës së energjisë
- Periudhën maksimale të kthimit të pagesave deri në 15 vjet (bazuar në kursimet e llogaritura të kostos së energjisë) për tërë projektin në një ndërtesë përkatëse ose sistem të infrastrukturës;
- Maksimum 10% e vëllimit të investimeve të përgjithshme të projektit mund të përbëjnë masat jo-EE, si ri-instalimi elektrik, riparimet e vogla strukturore, ngjyrosja, siguria sizmike etj.

Cilat janë masat tipike të efijencës së energjisë që duhet të zbatohen?

Për secilin objekt, masat përkatëse të efijencës së energjisë do të identifikohen bazuar në analizën e objektit, të dhënat e konsumit të energjisë dhe potencialin e kursimit të energjisë. Më poshtë janë masat tipike për efijencë të energjisë që mund të zbatohen në kuadër të projektit:

- a) Struktura e objektit (izolimi i mureve, bodrumeve dhe nënkulmeve, riparimi/ zëvendësimi i dyerve dhe dritareve të jashtme, optimizimi i dritareve),
- b) Sistemet e ngrohjes dhe freskimit (përmirësimi/ zëvendësimi i bojlerit, ndërrimi i lëndës djegëse, lidhja me sistemin e Ngrohjes Qendrore, vendosja e sipërfaqeve reflektuese në muret pas radiatorëve, sistemet e kontrollit, izolimi i gypave),
- c) Ndriçimi (llamba LED etj) dhe sistemet e tjera që shfrytëzojnë energji (p.sh. pompat dhe ventilatorët),
- d) Instalimi i PV solare (PV-solare në kulm të lidhura me rrjet), instalimi i ngrohjes së ujit nga dielli
- e) Zëvendësimi ose përmirësimi i sistemit të ndriçimit të rrugëve.

Si mund të aplikojnë komunitat? A mund të dorëzojnë komunitat më shumë se një projekt?

- a) Plotësoni formularin e aplikimit të dhënë në **Aneksin 1** të kësaj thirrjeje publike, së bashku me tabelat me informacione të përgjithshme për objektin, koston dhe konsumin e energjisë në tri vitet e fundit.
- b) Dërgoni aplikacionin e kompletuar në KEEF në mënyrë elektronike ose me dorë në adresën e specifikuar më poshtë (Kontaktet).
- c) Secila komunë mund të paraqesë deri në 5 projekt propozime (Aplikacione).

Lloji i kontratës dhe madhësia e projekteve të financuara

- KEEF do të sigurojë një paketë të shërbimit të plotë, duke përfshirë sigurimin e financimit, auditimin e energjisë, planin teknik, prokurimin dhe mbikëqyrjen e kontraktuesve, masat mbrojtëse mjedisore dhe sociale, matjen dhe raportimin e kursimit të energjisë. Në këmbim, komuna do të kthejë pagesën për zhvillimin e projektit dhe koston e investimeve nga kursimet e energjisë që do të rezultojnë (deri në 15 vjet). Ky kthim i pagesave do të bëhet në bazë të një marrëveshjeje për shërbime energjetike (MSHE). Sipas nenit 35 të Ligjit për Efijencë të Energjisë Nr. 06-L-079, MSHE-të nuk klasifikohen si borxh komunal.
- Buxheti i përgjithshëm i projektit është rreth 14.8 milionë EUR. Vëllimi minimal i vlerësuar i investimit për aplikacion është 20,000 EUR, dhe maksimumi 500,000 EUR.

Kur është afati i fundit për aplikim dhe aprovim?

Për këtë grup të projekteve, data e fundit për dorëzimin e aplikacioneve do të jetë **30 nëntor 2020**. KEEF do të shqyrtojë secilin aplikacion sipas radhës që është pranuar (d.m.th., ai që është pranuar i pari do të shqyrtohet i pari), prandaj aplikimet e hershme kanë më shumë mundësi për t'u financuar. KEEF do të shqyrtojë dhe njoftojë aplikuesin për vendimin (aprovim ose refuzim) brenda **4 javësh** pas marrjes së aplikacionit.

Kontaktet:

Fondi i Kosovës për Efiçencë të Energjisë

Adresa: Kati i 7-të i ndërtesës së ish-Bankës së Ljubljanës

Email: info@fkee-rks.net

Personi kontaktues: Admir Shala 044 168 061

Faqja e internetit: www.fkee-rks.net

Kësaj thirrjeje publike i është bashkëngjitur:

- *Aneksi 1 – Formulari i aplikimit*

Financuar nga



Zyra e Bashkimit Evropian



WORLD BANK GROUP



Republika e Kosovës

ANEKSI 1

FORMULARI I APLIKIMIT

Për: Fondin e Kosovës për Eficiencë të Energjisë

Nga: Komuna e

Lënda: Thirrja publike për vitin 2021

E nderuara zonjë/ I nderuari zotëri,

Pas thirrjes suaj publike për projekt propozime, ne me këtë shprehim interesimin tonë të marrim pjesë në përzgjedhjen e nën-projekteve për investime, që do të financohen nga **Fondi Kosovës për Eficiencë të Energjisë**.

Ju lutemi, gjeni më poshtë projektin e propozuar duke përfshirë përshkrimin e kërkuar në tabelat 1 dhe 2 për projektet e ndërtesave dhe në tabelën 3 për projektet e ndriçimit të rrugëve. Ne e kuptojmë që ju nuk jeni të detyruar të pranoni propozimin tonë ose çfarëdo propozimi tjetër dhe se miratimi i projektit do të jetë subjekt i shqyrtimit nga Fondi i i Kosovës për Eficiencë të Energjisë.

Tabela 1. Të dhëna të përgjithshme për ndërtesën

Pronësia e ndërtesës (ndërtesë komunale) (Nuk duhet të propozohet ndonjë stacion i policisë, ndërtesë e gjykatës ose ndërtesë ushtarake)	
A ka pasur investime në 10 vitet e fundit? (nëse po, specifikoni se çfarë lloj renovimi, viti dhe shuma në Euro) (Po/Jo)	
A është ndërtesa në listën e objekteve të trashëgimisë kulturore (Po/Jo).	

Të dhëna specifike (informacione që duhet të ofrohen nga aplikuesi)

Tabela 2. Të dhënat specifike për ndërtesën

Emri i administratorit të ndërtesës dhe numri i kontaktit (personi kontaktues nëse KEEF kërkon sqarime për aplikacionin):	
Emri i ndërtesës/ adresa/ qyteti	
Llojin e ndërtesës	
Viti i ndërtimit	
Hapësira që ngrohet (m ²)	
Numri i përfituesve	

Konsumi i energjisë elektrike në 3 vitet e fundit (kWh dhe në €);	Viti 2017	Viti 2018	Viti 2019
Konsumi i energjisë termike në 3 vitet e fundit (kWh dhe në €);	Viti 2017	Viti 2018	Viti 2019
Lloji i lëndës djegëse dhe konsumi i lëndës djegëse në 3 vitet e fundit (litra, m ³ , tonë etj). dhe EUR	Viti 2017	Viti 2018	Viti 2019

Tabela 3. Të dhëna për projektet e ndriçimit

Emri i administratorit të rrugës dhe numri i kontaktit (personi kontaktues nëse KEEF kërkon sqarime për aplikacionin):			
Adresa / qyteti i rrugës ku është ndriçimi publik:			
Viti i ndërtimit:			
Lloji i sistemit të ndriçimit (modeli i karakteristikave të llambave të instaluar): kapaciteti, fuqia, tensioni			
Gjatësia e rrugës (m):			
Numri i shtyllave:			
Lartësia e shtyllave dhe distanca midis tyre:			
Konsumi i energjisë elektrike në 3 vitet e fundit (kWh ose në €);	Viti 2017	Viti 2018	Viti 2019

Ne vërtetojmë se informacioni i paraqitur është i vërtetë dhe konfirmojmë që do të sigurojmë qasje në të gjitha dokumentet e kërkuara nga ju për të konfirmuar atë që e kemi paraqitur.

Ne pajtohemi që pas miratimit të aplikacionit së pari do të nënshkruajmë Marrëveshjen për Zbatimin e Projektit (MZP), po ashtu e kuptojmë që duhet të paguajmë për këto investime gjatë viteve të ardhshme siç përcaktohet në MSHE.

Nënshkruar: _____

Nga Kryetari i Komunës: _____

Datë: _____